

Script of Morning Gojri News Bulletin 13 September 2024 at 1015Hrs

مارننگ گو جری نیوز بلیٹن مورخہ 13 ستمبر 2024

یوہ آکا شوانی جموں ہے محمد مبارک ماہر تیں خبر سٹو۔

ECI Team

بھارتی چناؤ کمیشن غا اعلیٰ عہدیداران غی اک ٹیم نے 11 سے 12 ستمبر نانہہ 2 روزہ دورہ غے دوران ضلع رام بن تے اننت ناگ غو دورو کیو۔ جت انہاں نے تمام 20 ضلعان غی سول تے پولیس انتظامیہ غے نال جائزہ بیٹھک کیں۔ مذکورہ عہدیداران نے منصفانہ تے صاف وشفاف انتخابی عمل غا سلسلہ مانہہ چیف سیکریٹری، ڈی جی پی تے مرکزی نیم فوجی دستاں غا سربراہان غے نال جائزہ غے دوران چناؤ سربراہ راجیو کمار غی طرفوں اس تیں پہلاں در پیش اہم مسئلاں با رے جائزو لیو۔ عہدیداران نانہہ دسیو گیو کہ وے بغیر کسے فرقو فرقی، نقل و حرکت ور پابندی یاہ حفاظت با رے فراہمی نانہہ یقینی بناویں۔ بھارتی چناؤ کمیشن غا اعلیٰ عہدیداران غی ٹیم نے کل اپنا دورو مکمل کرتاں واں آن آلا انتخابات با رے تیاریاں ور اطمینان غو اظہار کیو۔

Nomination

تیجا مرحلہ غا اسمبلی چناواں با رے کاغذات نامزدگی جمع کران غو آخری تہاڑو کل تھو۔ اس مرحلہ غا انتخابات پہلی اکتوبر 2024 نانہہ کرایا جائیں گا۔ آن آلا اسمبلی انتخابات 2024 غا تیجا مرحلہ واسطے کل 483 امید واراں نے 518 کاغذات نامزدگی داخل کیا ہیں۔ اس با رے چناؤ کمیشن غا دفتر وچوں دسیو گیو ہے۔ جموں ضلع مانہہ کل 122 امیدواران نے اپنا کاغذات نامزدگی داخل کیا ہیں جد کہ ضلع با رہمولہ وچوں 1 سو 11، کپواڑہ وچوں 80، بانڈی پورہ تیں 50، کٹھوعہ تیں 47، اڈھم پور تیں 40 اور ضلع سانبہ تیں 33 امید واراں نے کاغذات نامزدگی داخل کیا ہیں۔ تیجا مرحلہ واسطے نو ٹیفیکیشن 5 ستمبر 2024 نانہہ جاری کی گئی تھی۔ تے کاغذات نامزدگی داخل کرن غی آخری تا ریخ 12 ستمبر 2024 نانہہ تہاڑی 3 بجے تک مٹھی گئی تھی۔ کاغذات نامزدگی غی پڑتال متعلقہ ناظم انتخابات افسر 13 ستمبر یعنی آج کریں گا۔ جد کہ امید واراں 17 ستمبر یاہ اس تیں پہلاں متعلقہ افسر غا دفتر وچوں تہاڑی 3 بجے تک اپنی امید واری موڑ سکیں۔ اس تیں بعد صحیح نامزد امید وار انتخابی میدان مانہہ وین گا۔ تیجا مرحلہ مانہہ 40 اسمبلی حلقاں واسطے ووٹ پہلی اکتوبر 2024 نانہہ کھلیا جائیں گا۔ ووٹ کھلن غو ویلو سویرے 7 بجے تیں شام 6 بجے تک رہے گا۔

Arms Recovered

کل شام ضلع پونچھ گا پوٹھا بائی پاس ور پولیس تے فوج غی 16 راشٹریہ رائفل اور سی آر پی ایف غی 38 وین بٹالین غا اک سانجھا ناکہ غے دوران تلاشی کا روائی مانہہ حفاظتی اہلکاران نے اک جنانہہ سرنکوٹ تیں پوٹھا آلے پاسے مشکوک انداز مانہہ آتاں دیکھیو۔ حفاظتی اہلکاران نانہہ دیکھ غے مشتبہ بندہ نے نسن غی کوشش کی پر چوکس اہلکاران نے اُسنانہہ پکڑ لیو۔ تلاشی غے دوران اس کولوں اک نیلا رنگ غو بستو لیو جس مانہہ 3 ہتھ گولہ، دھماکہ خیز مواد تے دوجو مجرمانہ مواد وی برآمد ہوؤ۔ شروعاتی پوچھ گچھ مانہہ پتو لگو کہ دہشت گرد غا ساتھی پاکستان مقبوضہ کشمیر غا اک منیم غا رابطہ مانہہ تھا۔ جس نے اُس نانہہ سرنکوٹ شہر تیں یاہ کھپیپ حاصل کرن با رے ہدایت کی تھی۔ پولیس نے اس سلسلہ مانہہ معاملو درج کر لیو ہے تے مزید گرفتاری متوقع ہیں۔

Home Voting Doda

عام اسمبلی انتخابات 2024 کا سلسلہ مانہ ضلع ڈوڈہ گا 3 اسمبلی حلقاں مانہ گھر گھرووٹینگ غو آغاز ہوؤ۔ ان حلقاں مانہ ضلع ڈوڈہ غو بہدرواہ اسمبلی حلقہ سمیت ڈوڈہ تے مغربی ڈوڈہ غا اسمبلی حلقہ شامل ہیں۔ گھر گھر ووٹینگ کہلن با رے سہولت دو تہاڑاں تک دستیاب رہ گی۔ بھارتیہ چناؤ کمیشن غے ذریعے متعارف کرایا گیا اس قدم نے بزرگ شہریاں تے معزور افراد نانہ گھر تیں ووٹ کہلن غی اجازت غے نال جمہوری عمل مانہ اُنکی فعال شرکت نانہ یقینی بنایو ہے۔ انتخابی عملہ نانہ سویرے تصدیق شدہ علاقاں مانہ ٹور دتو گیو۔ جت بزرگ تے معزور ووٹرمقیم ہیں۔ 85 بہراں تیں اُپر غی عمر غا ووٹراں تے شناخت کیا گیا معزوری غا حامل ووٹراں کی بڑی گنتری غے نال جمہوریت نانہ مضبوط بنان با رے ان غی بے تاب غی عکاسی کرے۔ ضلع چناؤ افسر ہر ویندر سنگھ نے کہیو کہ گھر گھر ووٹینگ غا عمل نانہ بہتر طریقہ نال انجام دین واسطے خاطر خواہ بندوبست کیا واہ ہیں۔

DEO Rajouri

آن آلا اسمبلی چناؤ 2024 کا شفاف انعقاد نانہ یقینی بنان آلے پا سے اک اہم قدم غا طور ور ضلع چناؤ افسر راجو ری ابھشیک شرما نے کل ات تحصیلداران تے نائب تحصیلداران سنگ اک اجلاس غی صدارت کی۔ جس مانہ مثالی ضابطہ اخلاق یعنی ماڈل کوڈ آف کنڈیکٹ غا نفاذ با رے جائزو لیو۔ مذکورہ اجلاس غے دوران ضلع چناؤ افسر نے مذکورہ مثالی ضابطہ اخلاق غا نفاذ، منصفانہ، شفاف تے اُمر امن انتخابات نانہ یقینی بنان مانہ تحصیلداران تے نائب تحصیلداران غا اہم کردار ور زور کہلیو۔ اُن نے افسراں نانہ چوکنا رہن با رے ہدایت دتی تے نال ہی اس گل نانہ یقینی بنان غو کہیو کہ تمام سیاسی جماعتاں تے اُمید واراں غی طرفوں مذکورہ قانون ور سختی نال عمل کیو جائے۔ تے انتخابی عمل مانہ روڑو اڑکان آلی کسے وی خلاف ورزی نانہ روکیو جائے۔ اُن نے افسراں ور زور دتو کہ وے کسے وی خلاف ورزی غی صورت مانہ فوری اور فیصلہ کن کاروائی کریں۔ اُن نے کہیو جے چناؤ غے دوران ضلع پھر مانہ امن و امان برقرار رہنو چاہیے۔

India Pakistan

بھارت نے کل پاکستان ور جموں کشمیر مانہ اپنا چوٹھا پریوگنڈہ نانہ باہو دین خاطر اقوام متحدہ غی انسانی حقوق با رے کو نسل غا منچ غو غلط استعمال کرن ور تنقید کرتاں واں کہیو کہ یوہ عالمی سطح ور چوٹھا مارے جد کہ یوہ خود مذہبی فرقہ وارانہ تے نسلی اقلیتاں ور بو رہیا ظلم نانہ روکن تے تحفظ دین مانہ ناکام رہیو ہے۔ بھارت نے یاہ گل اقوام متحدہ غی انسانی حقوق با رے کونسل غا جاری 57 واں اجلاس غے دوران کہی۔ بھارت نے پاکستان غی قائم کی گئی تاریخ تے دہشت گرداں نانہ پناہ دین مدد کرن اور پورا طریقہ نال حمایت کرن غی پالیسی نانہ وی آجاگر کیو۔ بھارت نے جموں کشمیر نانہ اپنو لازمی حصو قرار دیتاں واں کہیو کہ وزیر اعظم نریندرمو دی غی سربراہی مانہ سرکار غا مُچ سارا سماجی تے اقتصادی ترقی با رے قدم چاہن تیں بعد خطہ مانہ بڑا پیمانہ ور ترقی ہو ئی ہے۔
